

OMUKUETU

No 11

NOVEMBER

1937

X·X·X·X·X·X·X ■ XX·X·X·X·X·X·X·X·X·X·X·X·X ■ X·X·X·X·X·X·X·X

OVAKRISTE VE NOKUKONDJA.

Omuulikitumo

ESI A LEKELA OMAONGALO MAKUAUA-
MBO

OKUA POPJA NGAHA:

Esi nda dja kokule ku Suomi ame nda tu-
mua okutala ošilonga esi sa Kalunga tasi longua
mokati kovambo. Ame nde uja ngaa ku nje inandi
siiva okutelela ndi mone sihapu.

Ndele ne pai-me nde mu talala po nokuli o-
kafimbo ndele hai njakukua nehafo linene.

Inandi hala okutja satana ina mona vati o-
mito okutuala ovahapu. Ovahapu vahapu va puki-
fua kuje. Ovahapu kue lihakanene. Osinima (si sa
tja ngaha tasi nikif' oluhodi sili.

Ndele ne nando si li ngaha tu nenjakuko la-
kula moluava va kendabala okudiinina fijo pa-
ime. Ovakriste va tja ngaha nde va mona jo va-
hapu momaongalo. Oku va mona kua hekeleka
nge neeŋgono. Esi hai kundu omaongalo omuSuo-
mi ndi si si haa ka hafa neeŋgono esi a uuda o-
vakriste va pendapala.

Pama efimbo lange lokufikama la fika. Ohai
di po punje. Ihatu monafana vaali mounjuni ou.
Ndele ne onje ovakriste ame nda hala oku mu lo-
mbuela oinima ivaali ndi mu lekele najo.

Sotete osesi: Diinineni, kondjeni mu ha findue
nde ne mu findane. Eendjovo da Kalunga nadi
mu palufe neudafano liua loku mu kuatela kumue
nali mu ladipaleke. Fimbo mu li peemadi da Je-
sus onje omapenda.

Nositivali osesi: Efimbo esi la fika tua dja mo-
unjuni ou, ohatu monafana tuu nanje moujelele
ua Kalunga? Epulo eli handi li tula munje pai-me
esi handi mu lekele. Kaleni nalo.

Kaleni naua hano. Omuene Jesus ne mu na-
ngeke nouputa.

KU OŠIFO Omukuetu, KONIIPA.

Tandi mu indile, mu naŋangiziše
mošifo šeni ošinolua, taši landula:

Aakriste auuambo, aakuetu
mOmüua Jesus Kristus!

Omazilazilo gandje taga tuka
kune, okevi ljaauambo. Ndi ši, mua
teja iilja ojindji, kamu nondjala. O-
ku nokufu maandjeni. Tamu longo
iilonga jokufu naamueni taa ende-
lele kehe esiku koskola, ja longue
okutseja Omukulili guetu. Eeno,
muje auike tu nomueño gualuhe.
Natu ziginineni oku mü itaala.

Oku nepistoli enene ljomüja-
postoli Paulus, kue li nola kaaro-
ma. Ontumuafo ndjoka ji "nevange-
li lja Paulus", li nelongo lje. Ontu-
muafo ndjoka ji ši kutalua, ojo e-
maña ljomükanka muokriste. Ojo
ji nokuzilazilua, ji nokulešua, ji no-
kupungulua moomueño.

Numvo nde ji koneke no
nda nola efatululo ljepistoli ndika
euanaua. Oljo li noondunge ozi-
ndji šili. Onke nda jelekele okuño-
la puufupi. Omafatululo gandje ga
kuatele mo amazilazilo ogendji, ge
ši kujelekua nošišima ša pama. O-
müntu ita vulu okulja ošišima nga-
ši ta li iihenda. Tu uluma mokulja
iihenda, ta li ondumba onene jiihe-
nda polumue. Ošišima išeue ita vu-
lu oku ši lja ohanuhanu. Ta li ita
uluma, ta li ošišima ošišona polu-
mue. Ošo omafatululo gepistoli lja-
roma oli li. Otaga lešua kašona na

(Etsikilo kepanija eti 4)

Omuilikitumo

nomukuafi uaje Visapää va fikama košilando ša Kapa efiku eti 18 la oktober va londa koskepa „Ubena”. Oskpepa ojo taji ka fika ku Hamburg mu Duisland eti 10 la November. Esi tapu piti vali omafiku atatu ile ane ovo hav fiki nokuli ku Hei sinki keumbo lavo. Omuilikitumo oje ha lekele o vakriste vomOuambo neendjovo odo da njanjangi dua mošifo esi poñele jilue.

Omadina aakriste

Momaongalo mua holoka oñedi ii. Ovañu va hovele okulundulula omadina avo. Ngenge hatu diladila ope nomumati umue a sasua edina nando Johannes. Ndele ne he oje omupaani nando hatu ti edina laje Nangolo. Edina lomumati hano Johannes ja Nangolo. Ndele ne efiku limue Nangolo a sasua jo no kua taambula edina lipe nande Petrus.

Oena omumati uinja nomusamane a hala okulundulula edina laje. Ina hala okuifanua vali Johannes ja Nangolo ndele ne Johannes ja Petrus. Ahoue. Otaši eta edundakanifo lihapu momambo eongalo. Omumati ninga Johannes ja Nangolo ngasi a sangelua mo membo leongalo. Johannes Nangolo esi a sasua oso ngaka nasi kale aluhe. Edina lomumati li ha hundululu nande nande, nando he Nangolo kua sasua Petrus. Ahoue. Natu si lungamene ni neñgono. Osesi ngenge ihatu lungama osinima esi omadina ovañu ihatu a mono vali memambo. Ohaa kana sili. Hano kese tuu omuñu na dimbulu kue ngasi edina laje la sangelua mo membo esi a sasua oso ngaha nali kale aluse ovakuluñu vaje vapaani ngenge hava sasua konima jaje ile ahoue. Osa jela ngaha?

Omido 50

ofreilaini SUOMA HIRVONEN ta fikifa efiku eti 26 la november. „Omukuetu” te mu halele enangeko la Kalunga opo a peue eñgono dihapu okupukulula ovalongi vomOukuanjama nomanongelo fijo paimé.

OKRISMESA

Sa holoka nokuli.

Endelela okuilandela ošifo „Omukuetu” šomümvo nguka tagu ja nošifo „Okrismesa” to peua oferefenda. „Omukuetu” taši futua kOuambo nošilinga jimue no kUušimba iišilinga iijaali omümvo aguhe.

Omakundilo

GA ZI KU LUDERITZBUHT

Otango ekundo montumuafu ndjika kundue ni mOmuaa Jesus otseni mbaka tui isanua ngasi tatu šuvu mevangeli pa Markus 16: 15—16. Ojaakuetu tui isanueni otu uvu mo šike? Aatumua oja popi šike mevangeli lja Mateus? Montopolua 28: 18—19. Ojaakuetu, opu nohapu ndji taji ti: ne mu ja longe okuziginina ajihe mbjoka nde ji mu lombuele. Opo te ti: ndiši šaa omukriste okue šu uvu menongelo Omuñoli gnehololo lja Johannes, montopolua 18: 4 ota ti: oku uvu eui lja ži megulu lja ti: zeni mujo one aantu jandje muua kuata-sawe ncondja zavu. Ote pula nja olje a popi nkulu ta po pua mehololo. Ke ši Jesus tuu ngu a lombuele indeni nuujuni auhe, ka ni genii aantu ajehe aalongua jandje, ngoka i itaale e tašašua, oje ta hupišua. Ota ti ne mu ja longe oku ziginina ajihe mbika nde mu lombuele.

Ongini? Tu noonzapo ozindji, ihe uukriste ituu humu komeho. Ondi ši, omukriste ita humu komeho. Okua sa. Olje guo mune e nomuana e ta si, ndi ši, nando okua li e mu hoole. Nando ote mu lili ndi ši, ita uapa ue okukala naje ošoka okua sa. Jesus ta ti: za mo, za po, šiga po, eša iinina juupaganii. ošoka iilonga juupaganii ota ji e ta eso. Ngele ito eša iinima mbika ikulu, Jesus te ku ta'la na sa. Oje nando okua li e ku hoole ote ku eša u kale miikaha ja ngoka to mu longele. Olje ha longelua niilonga jeso? Oje satana, ošoka iilonga je otaji fala meso. Natango oue ji hokua, kuume? Ngašingeji opuna eha, pulakena natango Jesus. Ote ku isana. Ihe otaku ja esiku ljuzigu. Omukulili ngele a muena okuisana, je e ta kuša po Ombepo je e te ku isana ua sa kuulunde, oto uuka peni? Ndi ši esiku ndino oto zimbulula oua sa, oto jelekele oku ji e ša, ihe kapu na ue ngoka te ku uvu, e to ningi nga Judas. Tala mu Mateus 27. 3—5. Kuume, ila, Jesus te ku isana, za mo mu mbika ikulu, u hupišue.

Ongame Josafat ja Kustaa.

Omapulo nomanjamukulo

„Omukuetu” kua pulua ngaha: „Ohatu pula o maongo, osesi opu na ovakriste tava nu omaongo. Otua hala mu tu pe ekumaido la kola pamue tava eša po tuu. Ohatu a kondjifa ngahelipi a ha popiue vaali nande nande meongalo?”

„Omukuetu” ta ti: kape ná nande umue, ou e hoole oikoluifa ile ohadakanja, ta fiulula othamba uaKalunga. Osesi eendjovo daKalunga radi ti ngaha mepistoli i kovakor. 6: 10. Ou ha kolua komaongo ile koikoluifa ikuaokese, oje kee na opo ta ka hupa nande efiku limue. Oje omubalele uomutondadi ndele ta ka kala momudilo ihau dimi. Kape na hano ondjila jilue. ojo ei ajike: kese tuu ou a hala okuhupišua ku Jesus a taambulue momuenjo ualuse, oje e nokuefa oikoluifa aiše. Opo ovañu hava siivika ovo ngenge ovasikuli va Jesus ile ovasikuli vomutondadi.

Oxakololo kaagundjuka

(Etsikilo.)

Otua leša oohapu za Kalunga zetu ná-
núza moku zi kundašana oondunge zazo.
Tua hokolololua omahokololo giili no giili.
Atuhe tua peua omalufu moku ga hokolo-
la. No tua peua okupopja po ša mokuku-
miza ojakuetu. Tua longua uo oondjimbo
no tua kala hatu uvišilua kaauviši ojendji
jomaaseminaari no kaajenda uo.

Ošo tua náukilua „Eluua” ljetu no ha-
tu li ziginine natango. Etitatul kehe. Ngaši-
ngeji tu li po aagundjuka 65. Aakazona 41,
aamati 24. Kalunga ne tu pe oonkondo, o-
tse mbaka tua ningi aana ja Kalunga, tu lo-
nge okampungu mepja lja Kalunga.

AAGUNDJUKA JA HALIKA.

Aagundjuka je noonkondo ozindji zi
vule zaakuluntu. Ojo šo je na uo uupenda
nuulazi ouindji u vule uaakokele.

Uujuni mbuka tau pumbua oonkondo
zauo, onke tau hala aagundjuka je u longe-
le. Uujuni ngele itau peua uulazi nuupenda
uaagundjuka, itau vulu ša. Uujuni tau zini
aakuluntu no tau simaneke aagundjuka. Aa-
gundjuka šo je ši ši, otaji inenepeke no taa
tangalala.

Ihe, tse tu ši ši uujuni tau hala okulo-
ngiša aagundjuka, no itau ja pe ondjambi
ja halika kujo. Ojo ja hala okumona elago,
ja kale taa náukua šili, ihe mokulongela
uujuni elago lja fa tali ji ontuku.

Mu Rusland no miilongo iikuaao aa-
gundjuka ja hekua, je eše Kalunga nooha-
pu ze. Aagundjuka ju uvu eui ljeheko ndjo-
ka, no inaje li zimbulula, oljo ljomahongo-
lolo. Aagundjuka ja kušua mo momagu-
mbo gauo no jendji ja tumua kokulekule
ja mone elago je li hala. Ngašingeji ojendji
ja jonukile moluhepo oluzigu, no moondo-
longo no šo uo ja zipagua ojendji, kape
nomuntu e ši omualu gaaazipagua.

Mouambo no kOmonda kaku niihuna
ji šike mpoka. Ihe, aagundjuka aalongeli
juujuni oko je li ja hokua uutoje uujuni,
nojendji je li po je u zimbulula ouo uuzi-
go uouala. Oojakuaao je u zimbulula, eši-
mbo šo lja piti nale, oja jonukile muulu-
nde.

Aagundjuka ja halika no ku ngoka ta

ti: „Ongame nda peua epangelo alihe no
megulu no kombanda jevi.” Aagundjuka
omajovinomajovi mu Suomi uo ja gonga-
la ošinge jauo miigongi iinene. Eñañu lja
jogoka lja pangele okukala kuauo. Taa ná-
núkilua esilohenda nohoole ja Jesus. Oje-
ndji mbejaka ja zimbulukua aagundjuka aa-
uambo uo momagalikaneno gauo. Ojo ja
hala aagundjuka ja muka ja hangane najo
okukondjiša uuinaji nokutaamba elago ene-
ne Jesus he li gandja kujo.

Omapulo:

- 1) „Eluua” tali pula: „Okangundu ongEluua taka
vulu okulongela šike, Omuaa guako Jesus?”
- 2) Omugundjuka ta pula: „Nge tandi lalekua me-
putuzilo ljetu, otandi ningi šike, náaa šune
muujuni?”

Omajamukulo:

1) Jesus muene a ti: „Ajihe mbjoka mue ji ningi-
le ogumue gua mboka aamuameme aašusuka,
ongame mue ji ningile.” Mbjoka taji tumbulua mu
Mat. 25: 35, 36. „Eluua” nge tali tumua ku Jesus, li
imbile aavu naankundi momagumbo gauo, tali ja le-
šele oohapu za Kalunga, no tali kala nokugalikane-
na aagundjuka, aakuluntu, naanona uo, no šo otali
longele Omuaa. Kundašaneni ne jene nkene tamu
mu longele.

2) Ongoje šo ue ši pula, ote náukua no te
ti: 1) Kala aluhe košipala šOmuaa u iuvite
omunona omušona gue. 2) Mu hokololela aši-
he šoka ši li momueño guoje. 3) Kala noohapu ze
okuzi konakona, 4) Vulika kOmuaa uaa tinde. 5)
Oje ngele a hala, u ninge omutumua gue, mu itaa-
la. 6) Oje šo te ku pe ombili je, ji taamba, uaa
limbililue. — Masiku oseminari taji taamba aalo-
ngua aape. Pamue Omuaa guoje okua hala oku ku
tuma u je mo. Mu pula oje nge te ši hala šili.

OSEMINARI

taji taamba aalongua aape esiku ljetango lja Febru-
ari 1938.

One aagundjuka jomanongelo mOnguediva
no mEngela no mOšigambo nge mua zimbulula ei-
šano lja Kalunga oku mu išanena ošilonga še, ina-
mu lengalenga palue mu je ko, mu hepše ko e-
šimbo efupi ljuugundjuka, aue. Šaa mua lalekua
menongelo ljeni holokeni kaahongi, mu kundašana
najo. Ngele mu uvašana naua najo, tumeni komu-
hongi Lehto oombapila zoonzapo (jenongelo nojego-
ngalo) no zcmahokololo gokukala kueni, nomaindilo
geni mu taambelue mo inujo. Nambejaka ja pita
mo nale, no je li po natango aagundjuk anoje ši ku-
longua, naa tu me oombapila zauo.

Oohapu oonkuauo tamu zi lombuelua kaaho-
ngi jeni. Naahongi jomOniipa taje mu pukulula,
ngele tamu ja pula.

(Tazi tsikilua)

kašona, taga taasinua nomajego gomazilazilo, taga kokotua nomajego goondunge, taga tutikua nomajeje gomagalikano.

Numvo nda tsakanisa omimvo 30 muuhongi. Oša li omimvo 1907, šo nda peua ošilonga šika ševange li, nda japulilua mo. Numvo ku nomimvo 1937. Ano omimvo 30 za piti po naa naa. Ošo esilohenda enene lja Kalunga, omüntu šo a peua omimvo ozindji okukala mošilonga šOmüua. Omüntu e nokuhambelela Kalunga omolua šono.

Omimvo nga nguka tazi heke omüntu okugandja omagano. Onda mu zimbulukua one aauambo, nde mu nolele omagano omafatululo go ntumuafu jaaroma no nde ji naanangiziša. Okuanaangiza okuo ošilonga, taši mana po iimaliva ojindji. Onke nda nengua oku mu tumina ne amuhe, mu mone embo ndika. Ihe nda zilazila, aalongi aakuetu aatiligane, aasita aauambo, aalongi aauambo, aakalele jandje, naajakuli jandje jonale, aaseminari, aamati mOnguediva, aamati mEngela, egumbo ljaakazona mOšigambo, ndjoka mu Engela noongulu zaavu zi mone omafatululo ngano. Ngiika itaga guanene omüntu kehe. Ihe onaua, oje ndji nge taa mono.

Nda kundana, mu nqluhepo olunene luomambo. Onke ndi ši, taa mu hambelele Kalunga megulu, šo tamu mono išeue iikulja jomueño. Ehambelelo enene oljo okuleša nuupenda no nuuziginine. Opo mpono Kalunga te ši mono, otse itatu zini omagano ge. Nge tamu tanga Kalunga nOmukulili omolu embo ndika, li etele aauambo oje ndji omajambeko ogendji. Ošo indileni, Kalunga a pe ndje no nofu hela eha okuñola, a pe ndje oonkondo niimaliva. — Miiwiike ijaali niitatu omambo taga zi mu Suomi, tamu ga mono mu September nenge mu Oktober.

Kalunga ne mu kolekele epola ljegulu!

Noku mu kundila po, omuhongi gueni.

Šimuele.

JA TUKA JA FIIKOGÓ

Oonzila oonene zomašina hazi monika esiku li mue kegulu ljetu kaauambo uo. Ozo tuu hazi endiša aantu nofraha nokuendelela šili. Nge ja šikama kOndonga, ojo taji ende otundi jimue ajike, no ja šika ku windhoek nokuli.

Pomasiku ngano onzila ja tja ngaka ja tameke okutuka pokati košilongo ša Suomi no ka Palestina uo. Onzila nge ja šikama mu Helsinki taji kala mondjila ootundi 34, opo taji šiki ku Jerusalem, nando ja lambele košilongo ši li pošakati uo. Nošo tuu kiišilongo iikuauo taku zi oonzila hazi uka ku Jerusalem.

Ošinima šika omüprofeti Jesaja okua fa e ši huznganeke nale, nando muujuni ue inapa kala nando omüntu gumue e ši kupangela onzila jokutuka. Jesaja okua hunganeke, nkene aajuda ja halakanišua nuujuni zuhe, taa mono ompito okušuna kevi ljaandjauo. Oje okua ti ngeji: „Oolje mboka taa ja, ja tuka ja fiikogó, no ia foonguti kiihanzila jazo? Ošoka oontenga azihe za tegelela ndje, nooskepa zoku Tarso za kuata komeho ze ete aamuoje jokokule oku ngoje kaandjauo, taa ja nošilveri nošingo li šauo.” Jes. 60: 8, 9.

OSIKUNGULU SE ENDE MU SUOMI

Momuezi nguka September gua hugunine mue ende ošikungulu ošizigu mošilongo ašihe ša Suomi. Inaši enda ouala nondjila onšona ngaši haši ende oluindji muka mOuambo, ihe ša fa ša zenge ošilongo ašihe. Ša vuza mo omi ominene moku i. Oondarate azihe hazi endiša oohapu za teka. Oongulu zimue nokuli za kumuka, noondunda oonene ziipeleki za zi ko pomaha gazc, no za tuka za fomašueña gouala. Komünkulo guéfuta omakušikuši ga geja išeue, ga tondokele pevi, nuato nooskepa ozindji za jonuka esiku ndjoka.

KUUSIMBA

AAHONGI TAA TEMBUKA

Kua tiua omuhongi omunduisi, Shulte ngoka a menekele kUukuanjama no kOndonga, ngašingeji a šuna mo išeue mu Luderitzbaai, ihe ina šuna a kale mo, aue, okua šuna ouala a ze mo, a tembukile ku Tsumeb. Aauambo ojendji je li ku Luderitzbaai, nenge ngaši haku tiua kokau e taa kala moluhepo, šo ja kušua omuhongi guauo, ošoka kape na ngoka te ja pehala lje.

Omuhongi Unterkötter a kala mu Tsumeb oje eta ji kevi ljaandjauo ku Duitsland. Oko ta ka šigi ko omukulukazi nojaana, je muene a je sigo ku Amerika a hokolole cokume ketumo mbejaka uo, ošilonga šOmüua nkene ši li mu Afrika jetu.